

جریدہ علمیہ

مشیت جلیلہ اسلامیہ مکہ جریدہ رسیہ سید

ربیع الآخر ۱۳۳۴ [*]

عدد: ۲۶

آیدہ بر نشر اول نور

اوپن جی سنہ

« محكمه تمیز تدقیق ایلدیکی جنایات اعلاماتی تصدیق ایلدیکی حالده باش مدعی عمومیلک معرفتیه اعلامی ویرن محكمه نك مدعی عمومیلکینه تبلیغندن اعتباراً اوچ کون ظرفنده حکمی اجرا اولنور . اعلامات مذکورده دن اعدامه دائر اولانلر باش مدعی عمومی طرفندن عدلیه نظارتنه تقدیم واورادن دخی علی الاصول عرض عتبه علیاقلنه رق جزا قانوننك اون التجی ماده سی موجبجه اراده سنیه نك صدورندن صکره موقع اجرایه قونیلور . »

[قوه اجرائیه جه ۱۹ ربیع الآخر ۱۳۳۲ و ۴ مارت ۱۳۳۰ تاریخنده تنظیم وموقتاً موقع تطبیقه وضع اولنان اشبو قانون لایحه سی ۲۸ کانون ثانی ۱۳۳۱ تاریخنده مجلس عمومیجه تعدیلاً قبول ایدلمشدر .]

مجلس اعیان ومبعوثانجه قبول اولنان اشبو لایحه نك قانونیتنی وقوانین دولته علاوه سنی اراده ایلدیم . ۱۸ ربیع الآخر ۱۳۳۴ ۹ شباط ۱۳۳۱

محمد رشاد

صدراعظم
محمد سعید

عدلیه ناظری
ابراهیم



شورای دولت تنظیمات دائره سنك ۴۸۶ نومرولو مضبطه سنك صدرتیدر :

حریبه نظارتندن بالتقدیم شورای دولته حواله بیوریلان ۲۹ اغستوس ۳۳۱ تاریخ ویدی یوز التمش نومرولی تذکره تنظیمات دائره سنده قرائت اولندی .
تذکره مذکورده ده اوقات خمسهدن برقسمنده وا کثرتله اخشام ویاتسو وقتلرنده بالفعل ایضای وظیفه ایدرک مأموریندن ویا اصحاب تجارتدن بولملری حسیله اوقات سائرده خدمات مودوعه لرینی وکیل ایله ایضا ایتدیرمکده اولان اصحاب جهات ایله برات عالی نی حائر اونقسزین اوقات خمسهدن یالکزر برایکی وقت ایچون بالفعل ایضای امامت ایتمکده اولانلرک استثنایه مظهریتی ایجاب ایدوب ایتیه چکنک تعیین واشعاری اولبایدیکی اوراقلک لقیله سبق ایدن استفساره جواباً اوقاف نظارتندن النان تذکرده ده اوقات معینه ومعتاده ده رأس وظیفه سنده بولنه رق ایضای خدمت ایدن ارباب جهاتک خدمت لرینی ترک ایتدیکجه ویاخود شرعاً ونظاماً موجب عزل برحال وحرکت لری کورلمدیکجه عهدهلرنده کی

جهتلى رفع اولتمامقده ومكلف اولدقلىرى خدمتلىك بخش ايلديكى صفتلىر نظارتجه طانمقده بولنديكى كې برات عالي يى حائز اولمقسىزىن يالكىز برايكى وقت ايچون ايفاي امامت ايدنلىر حقنهدده مكلفيت قانونىك طقسان ايكنجى مادهسندده كې براتى حائز اولمىوب بالفعل ايفاي خدمت ايتمكده بولنانلره دائر اولان فقرهسندده كې مقصد قانونىك تعيينى ايله آكا كوره حقلىرنده مقتضى معامله نك تطبيق واجراسنك جهت عسكريه يه عايدتى كوسترلديكى ومارالعرض طقسان ايكنجى ماده نك فقره اخيرهسندده تعداد اولنان ارباب جهاتدن حائز برات اوليان اماملىك مساعدۀ استثنائيه مظهريتلى اوقات خسهده منتظماً بالفعل ايفاي وظيفه يه مداوم بولنمقده اولملىرله تحديدوتقييد ايدلىك وحائز برات اصحاب جهاتكده براتلىر محتوياتنك امر ومفيد اولدينى طرز وصورته كذلك اداى خدمته مواظب اولملىرى شرط اتخاذ اولنق صورتيله حقلىرنده تعقيب معامله ايديلهرك بالفعل اوقات خسهده خدمته مداوم اوليان براتسز ائمه ايله مأموريتده اولمق ويا تجارتله مشغول بولنق كې اسباب وعوامل طولايىسيه براتلىرى مؤداسنه توفيقاً اوقات معينهده فعلاً اداى وظيفه ايتماكده اولان براتلى جهات اصحابنك استثنائيت معروضه دن استفاده لرينه ميدان براغلاماسى مقصد قانونه موافق بولنديكى بيانيله استيدان كيفيت اولنمشدر اثنائى مذاكرهده حاضر بولنان اردو دائره سى رئيس وكيلى اركان حرب قائممقاملرندن بهيج بكدن ايضاحات لازمه اخذ اولندقدن صكره ايجابى بالتأمل براتلىرى مؤداسنه توفيقاً اوقات معينهده فعلاً اداى وظيفه ايتماكده اولان اصحاب جهاتك استثنالرينك رفقى دوام استثنالرينه محل قالميانلرك استثنالرينك رفعنه دائر اولان ۱۰ ايلول ۳۳۱ تاريخلى قانون موقت احكامندن اولمسنه بناءً براتلىر محتوياتنك امر ومفيد اولدينى طرز وصورته بالفعل اداى خدمت ايتماكده اولان اصحاب جهات حقنهدده بيان رايه محل قلاماش ومكلفيت عسكريه قانون موقتك طقسان ايكنجى ماده سى فقره اخيرهسندده براتى اوليانلردن بالفعل ايفاي خدمت ايتمكده بولسان برر امام دينلمكده اولمسنه نظراً اوقات معينه ومعتادهده بالفعل خدمته مداوم اوليان براتسز ائمه نك د. استثنايه مظهر اوليه جنى دركار بولنش اولديغىك نظارت مشار اليهايه اشعارى تذكر قلندى اولبابده امر وفرمان حضرت من له الامر كدر .

*
* *

« اوقات معينه » و « اوقات معتاده » تعبيراتنك تفسيرى حقنهدده تذكرۀ ساميه
برات عاليشاني حائز ائمه وخطبا ايله قيم ومؤذنلرك براتلرنده اوقات خسهدن ماعدا

معتاده ومعينه تعيرى بولندينى حالده مكلفيت عسكرىه قانون موقتك طقسان ايكنجى مادهسى ايله ذيللرى وبونلرى مفسر قرارلر موجبنجه استثا ايديان مأموريندن دوام استثنالرينه محل قالميانلرينك استثنالرينك رفعى متضمن ۱۰ ايلول ۳۳۱ تاريخلى قانونده اوقات معينهده وشوارى دولت تنظيمات دائره سنك ۴۸۶ نومرولو بر مضبطه سنده دخى اوقات خسه ومعتادهده تعيرلرى مستعمل اولمسيه تعيرات مذ كوره نهني مفيد اولدينى قسطمونى فرقه قوماندانلى وكالتنجه استفسار ايدايكى محلى قاضيلكندن بيلديرلمسنة ومسئله نك تفسير قانونه وشوراي دولتك تفسيراً متنه واصل مادهيه ملحق قرارينه تعلقنه بناءً تعيرات مذ كوردهن مقصد نه اولديغنت شوراي دولتجه تدقيق وتعيينى لزومى شوراي علميه دن افاده قلنديغنه دائر ۹ مارت ۳۳۱ تاريخلى و ۲ نومرولو تذكرة عليه مشيختپناهيلرى شوراي مذ كوره يه لى الحواله براتى حائر اولسونلر اولسونلر ائمه نك مكلفيت عسكرىه لرينك تأجيلى صراحت قانونيه وجه ايله اوقات معينهده وظيفه امامتى بالذات وبالفعل ايضا ايتملىله قابل اولوب شوقدركه ا كثر جوامع ومساجدهده اوقات خسهده اداى صلاة اولندينى حالده بعض جوامع ومساجدهده معتاد اوزره يالكز بر ويا بر قاچ وقت ادا ايلارك ماعدا اوقاتده جامعك بولندينى محالرك قبالى اولمسي كى اسباب ضروريه يه مبنى جوامع ومساجد مذ كوره كشاد ايدلديكندن او كى جوامع ومساجدهده اداسى معتاد اولان اوقاتده بالذات ويا بالفعل ايفاي وظيفه ايدن ائمه نك دخى اوقات خسه نك كافه سنده ايفاي وظيفه ايتامش اولملرى كندى قصور و مسامحه لرندن منبعث بولنماق اعتباريله مكلفيت عسكرىه لرينك تأجيلى ضرورى كورلمش وبناءً عليه شوراي دولتك موضوع بحث اولان مضبطه سنده مندرج اوقات معينه تعيرى اوقات خسهدهن عبارت اولوب اوقات معتاده تعيرى دخى اوقات خسهه مقابلنده وبش وقتدن دون اوله رق اداى صلاة اولنان جوامع ومساجدهده امامت ايدنلر حقنده استعمال ايدلمش اولديغندن اكا كوره ايفاي معامله ايدلك اوزره كيفيتك طرف على شيخ الاسلاملرينه تبليغى تنظيمات دائره سندن بامضبطه افاده قلنمش وسالف الذكر ۴۸۶ نومرولو مضبطه نك صورتى لفاً صوب والاى فتواپناهيلرينه اسرا و حربيه نظارتى وكالت جليله سنه معلومات اعطا ايدلمش اولمغه ايفاي مقتضاسى بابنده امر و اراده حضرت من له الامر كدر .

